

112 學年度第一學期
母語兒歌本

坐趨趨

坐趨趨，會變曲痾，
坐正正，人才會疼，
坐乎好，來吃水果，
坐無好，跋一咧翹翹倒。

有禮貌

一二三四多謝你，
免客氣，林咖啡，
五六七八真失禮，
來遮坐，免歹勢。

月娘

月娘圓 月娘光
照著我的窗仔門
照著我的紅眠床
月娘光 月娘圓
佇天邊
恬恬陪我過一暝

放煙火

烏暗天頂一蕊花，
兵兵反反世界飛，
親像仙女咧散花，
大家緊來看煙火。

丟丟銅

火車行到伊都，
阿末伊都丟，
唉唷磅空內。
磅空的水伊都，
丟丟銅仔伊都，
阿末伊都，
丟仔伊都滴落來。

狗蟻

狗蟻狗蟻真無閒，
來來去去佇路頂，
為著照顧大家庭，
歸日做工做無停。

大近視

大近視看乜仔冊，
行路去撞到一個老阿伯，
真失禮，唉喲 真歹勢，
我真正毋是故意的。
大近視看乜仔冊，
愈看愈入迷，
無小心去撞到電火柱，
摔一下紅龜粿。

阿公

阿公阿公真趣味，
牽目鏡，唸歌詩，
有時講古予阮聽，
逐家聽到笑咪咪。

羊咩仔

羊咩仔囝來吃草
草鋪頂 溜溜走
看到一隻大黑狗
驚一下 咩咩號

大家恭喜

月初一早早起，
大家恭喜笑咪咪，
平平安安
事事如意，
快快樂樂過新年。

112 學年度第二學期
母語兒歌本

元宵節

正月十五月娘圓，
圓仔搓甲圓圓圓。
提古仔燈繞廟寺，
七彩花燈照整眠。

好囡仔(好小子)

阿爸阿母再會

我欲來去讀冊

老師教我 愛好禮

你好、多謝、

真歹勢。

羞羞羞

羞羞、羞羞羞，
提籃仔撿泥鰍，
羞羞、羞羞羞，
提籃仔撿泥鰍，
攏總撿若多？
攏總撿二尾啦
一尾煮來吃，
一尾糊目睷（眼睛）
羞羞、羞羞羞

媽媽我愛你

媽媽逐日笑微微，
教我讀冊學寫字，
陪我迢迢放風吹，
媽媽媽媽我愛你。

肉粽

五月節，肉粽節。
阿嬤的肉粽尚親切。
竹仔葉，包肉粽。
燒燒來食尚蓋芳。

西北雨

熱天的下晡，
雄雄一陣西北雨，
將阮沃甲濕糊糊，
雨阿雨、雨阿雨，
你哪會落甲粗，
害阮煞覘無路。

風緊來

風！風！風！緊來
一仙予你買鳳梨
風！風！風！緊去。
一仙予你買茭芷

豆花

豆花掙倒擔、
一碗兩角半
燒燒一碗來、
冷冷阮不愛
豆花掙倒擔、
一碗兩角半
燒燒一碗來、
冷冷阮不愛

猴山仔騎鐵馬

猴山仔猴山仔騎鐵馬，
倒𠵼踏一個，
正𠵼踏一個，
椅仔高，尻穿低，
有位艚當坐。

高鐵

高鐵高鐵真拍拼
上北落南逐工行
高鐵高鐵真勇健
走敢若飛排頭名
勇健拍拼向前行
伊是追風少年兄